

**GEROA NIRNIR**

Laster yoaku aldia,  
t'egiña deiez atzetik...  
Ni bide-ertz naukazu sarri,  
zu ezin kenduz begitik.  
Zuk egiñiko antz-illuna  
ibilli zabiltzalarik,  
—joan egunen izpi gozo—  
neugaz daroat argirik.

Atzo mindu zindudazan,  
kezkatu neutzun biotza:  
izate barne ixuri nik  
ezpaiaren ur garratza.  
Zer egin, zer asmatu neike  
atzera be lengo poza;  
barriz lortzeko, bai, guriki  
estaldu nindun geriza?

Esku maitekor iduri,  
or, zeure aurrean, zalu,  
ipiñi zendun naimena  
ta zuzia zendun piztu.  
Dana eban, ezkutu aundiz,  
zure irri-parrak azaldu,  
betidanik ba'zenkian lez  
txera gozoz nun ikutu.

Zuk mintzo, ta nik aditu;  
indar berezi bat zeunkan,  
samurki jaso-azorik  
neure griñen gaiñetikan.  
Begi laztan orrein atzetik  
zertxobait dei ta dei neukan;  
zure gogo garbian eder,  
geroa ñirñir nekusan.

**LUR-ERTZEAN**

Lur-ertzean dot dana itxi  
ta zidor gaitzoz noa urrun;  
dana nai jzan dot astiñazi,  
baiña gaitzak darrait zurrün.

Gaitz doillorraren mendean  
une txar batez dot oro  
atzean errerik laga,  
ta bide itsuz nabil zoro.

Zuri, ama!, agur egin  
dautzut, argia astean...  
Nork, geroztik, lagunduko  
al daust naigabe latzean?

Itxas gaitzoz nabilkizu  
biotza zauri-malkotan,  
irritsez asetu nairik  
egun-sentiko aizetan.

Soiña irri baten ikaraz,  
lora-min ene gogoa...  
Ama, eidazu zuk, otoi,  
onaren altzo beroa.

Olde ta indar, begoz nigan  
gaitzaren zidorra itxirik,  
on-deiari itsatsiz, argi  
bidez nabilken gaurdanik.

Ama, ene odol-tanto,  
biotz erituen poza!,  
barnean dodan samiña  
eidazu zuk, arren, goza!